



U ovom broju:

- ➔ IZVJEŠTAJ O RADU OPĆINSKOG VIJEĆA ZA 2013. GODINU
- ➔ PODRUČJE OPĆINA TEŠANJ, TESLIĆ I ŽEPČE (BEAR) MEĐU TOP 10 NAJBOLJIH EUROPSKIH INVESTICIJSKIH LOKACIJA
- ➔ DELEGACIJA EVROPSKE UNIJE POSJETILA TEŠANJ
- ➔ OPĆINA TEŠANJ DOBITNIK BEACON CERTIFIKATA
- ➔ SREDSTVA ZA POSLOVNE ZONE U TEŠNJU
- ➔ POTPISAN UGOVOR ZA DEMINIRANJE
- ➔ STIPENDIRANJE STUDENATA



OPĆINA TEŠANJ

Trg Alije Izetbegovića 11

www.opcina-tesanj.ba

e-mail: optesanj@bih.net.ba



OBILJEŽEN 4. APRIL DAN OTPORA OPĆINE TEŠANJ FAŠIZMU

Povodom općinskog praznika 4. aprila - Dana otpora općine Tešanj fašizmu, u petak, 4. aprila Općinski načelnik Suad Huskić sastao se sa učenicima srednjih škola sa područja općine Tešanj. Tokom ovog susreta

razgovarano je o zajednici u kojoj živimo - prošlosti, sadašnjosti i budućnosti.

U 16,30 sati Općinski načelnik i predsjedavajući Općinskog vijeća upriličili su prijem predstavnika pet boračkih udruženja (Organizacija

porodica šehida i poginulih boraca, Zlatni ljljani, Ratni vojni invalidi, Jedinstvena organizacija boraca i SUBNOR). Ovom prilikom razgovarano je o sjećanjima na odbranu tešanskog kraja tokom agresije na BiH 1992-1995. godina.

Od 14,00 sati položeno je cvijeće na spomen obilježjima u svim mjesnim zajednicama, a u 17,45 sati cvijeće je položeno na Centralnom spomen obilježju šehidima i poginulim borcima u Tešnju. Cvijeće su položili predstavnici Općine (predsjedavajući Vijeća i Općinski načelnik), predstavnici boračkih organizacija. Prigodnim govorom o značaju 4. aprila govorio je predsjedavajući Općinskog vijeća Fuad Šišić.

U 18,00 sati u Velikoj sali Centra za kulturu i obrazovanje upriličena je promocija knjige Tešanski odgovor. Knjiga sadrži trinaest tekstova čiji su autori Mirsad Ćeman, Esad Jašarević, Ismet Avdić, Nedžad Korajlić, Izudin Handžić, Husein Galijašević, Mujo Avdić, Sakib Kurtić, Fuad Šišić, Mirsad Abazović, Dželal Ibraković i Suad Huskić, te tri dokumenta. O knjizi su govorili profesori Sarajevskog univerziteta: dr. Dževad Hodžić, dr. Enver Kazaz i dr. Senadin Lavić.



SAJAM SREDNJIH ŠKOLA I FAKULTETA

U Sportskoj dvorani u Tešnju u petak, 28. marta otvoren je *Sajam srednjih škola i fakulteta*. Na Sajmu je učestvovalo 19 fakulteta, 7 srednjih škola i 11 ostalih institucija koje su vezane za obrazovanje.

Učenici (njih cca 1300 sa područja općine Tešanj, ali i susjednih općina) prisustvovali su sajamskoj prezentaciji dostupnih škola i fakulteta sa prostora cijele Bosne i Hercegovine. Na ovaj način želi se omogućiti mladim ljudima (maturantima osnovnih i srednjih škola) lakši izbor srednje škole ili fakulteta. Prigodnim govorom, prisutnim su se obratili direktorica Gimnazije i ujedno menadžer ovog projekta Aida Salkić, predsjednik Udruženja privrednika Biznis centar Jelah, Tešanj Mensur Krdžalić, predstavnik UNDP-a Samir Omerefendić i Općinski načelnik Suad Huskić.

Želja nam je da mladim ljudima na jednom mjestu pokažemo mogućnosti koje imaju kada je u pitanju izbor daljeg obrazovanja i usavršavanja. Vjerujem da će na ovaj način donijeti kvalitetnije odluke, kazao je Općinski načelnik.



Izdaje: **OPĆINA TEŠANJ**

Redakcija:

Edina Kadušić, Ferid Mustafić, Samir Brka,
Kanita Gredelj i Bahrudin Noćić.

Glavni i odgovorni urednik:

Edina Kadušić

Adresa Redakcije:

Općina Tešanj, Trg Alije Izetbegovića 11
74260 Tešanj

Telefoni: 032 650-341 i 032/650-022 (lokal 107)

Fax: 032/650-220

E-mail: press@opcina-tesanj.ba

Tiraž: 2.000

Štampa:

ZAMJENIK ŠEFA DELEGACIJE EU U BIH POSJETIO TEŠANJ



Zamjenik šefa Delegacije EU u BiH Renzo Daviddi, u pratnji ambasadora Hrvatske Ivana del Vechia, Švedske Frederika Schillera i Rumunije Filipa Teodorescu boravio je u radnoj posjeti Tešnju.

Opća je ocjena, nakon posjete Tešnju, da ova sredina predstavlja napredniji dio BiH i primjer kako lokalne zajednice mogu doprinijeti da se cijela zemlja približi standardima EU. Nakon prezentacije i razgovora, gosti nisu krili zadovoljstvo stanjem u Tešnju.

Evidentno je da se u Tešnju može vidjeti mnogo toga što nije svojstveno svim sredinama u BiH. Pozitivno je opredjeljenje da Općina radi kao servis građanima i da posjeduje strategiju socio-ekonomskog razvoja, kazao je zamjenik šefa Delegacije EU u BiH Renzo Daviddi.

Drago nam je da smo bili u prilici predstaviti Općinu Tešanj i sva naša nastojanja da ova Općina bude napredniji dio BiH i da bude spremna za Europu, istakao je Općinski načelnik Suad Huskić.

Švedski ambasador Frederik Schiller je naglasio kako će projekti *Firma i Farma*, koji se posredstvom Švedske agencije za međunarodni razvoj (SIDA) realiziraju u BiH, biti nastavljeni. Pozdravljena je i dobra saradnja sa susjednim općinama Teslić i Žepče i razvoj poslovnih zona.

Malo sam nesretan što u tim zonama nema ni jedne veće hrvatske firme. Ja ću napraviti sve da probamo dovesti nekoga iz Hrvatske da ovdje investira, obećao je Ivan del Vechio, Ambasador Hrvatske u BiH.

Nakon sastanka u Općini Tešanj, delegacija je posjetila Mješovitu srednju školu, te se susreli i sa tešanjskim privrednicima.



SREDSTVA ZA INDUSTRIJSKU ZONU

Općinski načelnik Suad Huskić i Federalni ministar razvoja, poduzetništva i obrta Sanjin Halimović potpisali su u Sarajevu Ugovor o dodjeli poticajnih finansijskih sredstava za projekat *Izgradnja poduzetničkih zona*.

Vrijednost Ugovora je 100 000 KM, a sredstva će biti utrošena za Industrijsku zonu Bukva.



Općina Tešanj posljednjih godina bilježi rast broja zaposlenih, rast izvoza i rast investicija. Drago mi je da je to prepoznato na federalnom nivou, da Federalno ministarstvo ima sluha za takve stvari. Vjerujem da će ovo ulaganje omogućiti nova radna mjesta i da će kroz to jačati Bosna i Hercegovina, istakao je u svom obraćanju Općinski načelnik Suad Huskić.

Ministar Sanjin Halimović je naglasio kako su poduzetničke zone u Orašju, Tešnju, Zenici i Livnu odličan primjer dobre organizacije i uspjeha. Na javni konkurs Ministarstva u 2013. godini za projekt izgradnje poduzetničkih zona prijavile su se 44 općine, od kojih su njih 16 zadovoljile uvjete iz konkursa te dobile ukupno 1,5 miliona KM. Tako su ugovore o poticajnim sredstvima, osim Općinskog načelnika Suada Huskića potpisali i načelnici i predstavnici općina Stolac, Gračanica, Gradačac, Gornji Vakuf - Uskoplje, Novi Travnik, Posušje, Kiseljak, Tuzla, Bosanski Petrovac, Ravno, Tomislavgrad, Orašje, Grude, Doboj Jug i Ilijaš.

SREDSTVA ZA POSLOVNU ZONU GLINIŠTE

Ministri u Vladi ZDK, Muhamed Hasić (Ministar privrede) i Romana Brkić (Ministrica za pravosuđe i upravu) su u Općini Tešanj, Općinskom načelniku Suadu Huskiću uručili *Odluku o odobrenju finansijskih sredstava subvencioniranje troškova organizacije i izgradnje Poslovne zone Glinište (faza IV)*. Sredstva u iznosu od skoro 300 000 KM odobrena su za refundaciju troškova organizacije i izgradnje Poslovne zone Glinište (faza IV komunalna infrastruktura).

Izuzetno mi je drago da je Općina Tešanj, kao nosilac privrednog razvoja u ZDK, prva iskoristila ova sredstva. Vlada ZDK će i u narednom periodu odvajati sredstva za privredu, kazao je Ministar za privredu ZDK Muhamed Hasić.

Općina Tešanj je do sada u Poslovnu zonu Glinište uložila 650 000 KM za izgradnju infrastrukture. U ovoj godini slijedi uređenje vlasničkih odnosa i gradnja dijela saobraćajnice (od Alpine do M4), istakao je Općinski načelnik Suad Huskić.

Također, tokom sastanka razgovaralo se i o uslugama besplatne pravne pomoći.

Sastanku su prisustvovali i zastupnik u Parlamentu BiH Šemsudin Mehmedović i pomoćnik Općinskog načelnika za finansije i ekonomiju Hamzaliya Hojkurić.



POTPISAN UGOVOR SA FIRMOM *B&M COMERC*

Nakon donesene Odluke Općinskog vijeća, iskazanog interesa Investitora i provedene procedure, Općinski načelnik Suad Huskić i direktor firme *B&M Comerc*, Fikret Omahać potpisali su Ugovor o pogodnostima za investiranje. Radi se o dodjeli zemljišta državne svojine pod povoljnim uslovima u Poslovnoj zoni Bukva za izgradnju proizvodnog objekta.

Prema Ugovoru, Investitor je obavezan da u roku od dvije godine počne sa poslovanjem na ovoj lokaciji i uposli minimalno 30 radnika u prvoj godini poslovanja.

Ovo je Ugovor koji će omogućiti brzu investiciju i nova radna mjesta. Nadam se da ćemo nastaviti ovakav trend i u narednom periodu, istakao je Općinski načelnik Suad Huskić.

Prema Odluci o pogodnostima za investitore, svi poduzetnici koji se odluče investirati u Poslovnoj zoni Bukva na zemljištu u državnom vlasništvu bit će oslobođeni svih taksi i naknada koje su propisane općinskim odlukama.



DONACIJA UNICREDIT BANKE

Unicredit banka dd je finansirala izgradnju i postavljanje sata u centru Jelaha. Ovo je još jedan u nizu projekata koji realizuju privrednici sa područja općine Tešanj u partnerskom odnosu sa Općinom. Općina je obezbjedila lokaciju, a Unicredit banka dd



je finansirala izgradnju i postavljanje totoma. Ranije je izgradnju i postavljanje sata u Tešnju finansirala firma Mann+Hummel ba.

Iskreno se zahvaljujemo svim privrednicima koji ovu lokalnu sredinu doživljavaju kao svoju i koji na bilo koji način doprinose boljem ambijentu na području općine Tešanj.

Posebno se zahvaljujemo Unicredit banci koja je prepoznala da kroz ovakve aktivnosti u lokalnoj sredini dodatno ostvaruje zadovoljstvo korisnika usluga i doprinosi boljoj slici povoljnog poslovnog ambijenta na području općine Tešanj.



PODRUČJE OPĆINA TEŠANJ, TESLIĆ I ŽEPČE (BEAR) MEĐU TOP 10 NAJBOLJIH EUROPSKIH INVESTICIJSKIH LOKACIJA

Prema ocjenama specijaliziranog časopisa za direktna strana ulaganja, *FDI Magazine* (Financial Times Group) područje BEAR-a koje čine općine Teslić, Tešanj i Žepče su svrstane u *Top 10 južnoeuropskih regija* u kategoriji najboljih europskih investicijskih lokacija prema troškovnoj efikasnosti u sklopu konkursa *Europski gradovi i regije budućnosti za 2014./15. godinu*. Rezultati konkursa objavljeni su u dvomjesečnom broju februar-mart 2014. godine *FDI magazine* koji ima preko 15.000 pretplatnika širom svijeta koji su korporativni i prekogranični investicijski profesionalci i eksperti.

Područje BEAR-a nalazi se na 10 mjestu konačne ljestvice. BEAR označava Business Excellence Area - Područje poslovne izvrsnosti i predstavlja razvojnu inicijativu općina Teslić, Tešanj i Žepče koju je podržalo Njemačko društvo za međunarodnu saradnju - GIZ.

Kategorije i kriteriji po kojima je stručna ocjenjivačka skupina donijela odluku o proglašenju najboljih europskih gradova i regija, su ekonomski potencijal, omjer ulaganja i troškova, ljudski potencijali, infrastruktura, kvaliteta života, prijateljsko poslovno okruženje kao i promotivna strategija za privlačenje direktnih stranih investicija. Mjesto na top listi europskih gradova i regija budućnosti ujedno predstavlja i preporuku ekonomskog lista za lokacije u koje treba ulagati.

Konkurs za najpovoljnije investicijske lokacije u Europi objavljen je u oktobru 2013. godine. Zajedničkim snagama, predstavnici BEAR područja, općina Tešanj, Teslić i Žepče prijavili su se na ovaj konkurs, predstavili investicijske prednosti svog područja, i ostvarili značajne rezultate u dvije kategorije: Top 10 Europskih regija općenito - prema troškovnoj efikasnosti investicije i Top 10 Malih europskih regija - prema troškovnoj efikasnosti investicije.

Za ovu prestižnu nagradu "FDI europske gradove i regije budućnost 2014/15", prijavilo se 468 gradova i regija, u okviru pet kategorija: ekonomski potencijal, radna sredina, isplativost, infrastruktura i poslovne pogodnosti.

Ovo su izazovna vremena za direktne strane investicije (FDI) u Europi. Sa usporenim rastom u mnogim velikim privredama i nastavkom prošlogodišnje krize u euro zoni, prilivi u regiju s se znatno smanjili. Stoga je od ključnog značaja za europske gradove i regije da zauzmu proaktivan stav prema promociji direktnih stranih investicija (FDI) i osiguraju što veću konkurentnost investicijskih okruženja. Naša rangiranja prepoznaju lokacije koje čine upravo to, i ističu odgovarajuće prednosti gradova i regija svih veličina širom Europe, rekla je Courtney Fingar, glavni urednik *FDI Magazine*.

RAŽ Žepče i TRA Tešanj, i Odjel za razvoj Općine Teslić, zadužene za koordinaciju i razvoj regije BEAR, su u prijavi za Žepče, Tešanj i Teslić, predstavili mjere koje se provode za poticanje stranih ulaganja i mogućnosti koje stoje na raspolaganju stranim investitorima, a koje su i ovog puta bile prepoznatljive prema kriterijima ocjenjivanja najboljih europskih gradova i regija, što je potvrdilo i rangiranje regije BEAR na visokom desetom mjestu.

Ovo je izniman rezultat i priznanje za ove tri općine iz BiH i njihove napore u promociji investicijskih prednosti. Ono što je krajnji cilj ove aktivnosti jest povećan nivo stranih direktnih investicija, i povećanje broja održivih radnih mjesta u ovoj mikroregiji.



PRESS KONFERENCIJA U SARAJEVU

Ovim povodom, u Sarajevu je u utorak, 25. marta održana press konferencija na kojoj su učestvovali načelnici općina Teslić, Tešanj i Žepče (Milan Miličević, Suad Huskić i Mato Zovko), i direktori razvojnih agencija Žepča i Tešnja (Branka Janko i Ismar Alagić).


Malo je općina u BiH koje se mogu pohvaliti četverogodišnjim rastom broja zaposlenih i izvoza. Mi smo uspjeli ostvariti takav jedan niz i u 2013. godini imamo ukupan izvoz za 325 miliona konvertibilnih maraka koji je u zadnje četiri godine uvećan sa 180 miliona na 325 miliona. Trenutno se proizvodi sa područja općine Tešanj izvoze u 60 zemalja svijeta, kazao je Općinski načelnik Suad Huskić.




IZVJEŠTAJ O RADU OPĆINSKOG VIJEĆA TEŠANJ

Općinsko vijeće je u periodu 1.01.-31.12.2013. godine donijelo 39 odluka, 18 rješenja i 105 zaključaka. Sagleda li se struktura tema i pitanja o kojima se vodila rasprava i donosili određeni zaključci u izvještajnom periodu najbrojniji su bili prijedlozi odluka (39), informacije (26), inicijative (25), rješenja (18), izvještaji (7). Općinsko vijeće je, nakon provedenih rasprava, usvojilo ukupno 162 akta i to 39 odluka, 18 rješenja, i 105 zaključaka (koji se odnose na odluke, nacрте, rješenja, informacije, inicijativa i izvještaje).

Struktura tema i pitanja o kojima se vodila rasprava



Grafički prikaz strukture usvojenih akata



U izvještajnom periodu bio je samo jedan komentar tehničke prirode na Odluku koja je donesena. Općinsko vijeće je donijelo četiri odluke koje su inicirali građani. Održano je sedam javnih rasprava, na kojima je prisustvovalo 169 osoba. Sjednicama Vijeća, pored redovnih gostiju prisustvovalo je i devet građana. Nije bilo odluka koje su zahtjevale posebnu ekonomsku opravdanost. Prisustvo vijećnika sjednicama Vijeća bilo je dobro, jer su svakoj sjednici Vijeća, od ukupno 25 vijećnika, u prosjeku prisustvovala 23 vijećnika, ili 92 %. Općinsko vijeće Tešanj je u periodu 01.01. - 31.12.2013. godine radilo u redovnim javnim zasjedanjima. Održano je ukupno 11 radnih sjednica koje su u prosjeku trajale oko 4 sata.

IZAKLJUČCI OPĆINSKOG VIJEĆA

Na 4. sjednici jednoglasno je usvojena Rezoluciju o odbrani u periodu 1992.-1995.godine i zaključak kojim Općinsko vijeće poziva Ministarstvo unutrašnjih poslova Zeničko-dobojskog kantona da obrati veću pažnju na kadrovsku popunu, osposobljavanje i opremanje Policijske upravu IV Tešanj kako bi se ojačali kapaciteti za borbu protiv svih vidova ugrožavanja bezbjednosti građana.

Na 10. sjednici usvojen je zaključak kojim Općinsko vijeće poziva Klubove vijećnika, političke subjekte i njihove lidere u Tešnju kao i građane da se suzdrže od zapaljive retorike kojima se pogoršava bezbje- donosna situacija na području općine.

Na 12. sjednici usvojen je zaključak kojim se apeluje na sve studente koji su boljeg imovnog stanja da se ne prijavljuju na općinske stipendije, kako bi stipendije dobili oni kojima su stvarno potrebne.

Na 13. sjednici usvojen je zaključak kojim se traži od nadležnih ministarstava da započnu reformu zdravstvenog osiguranja, a prevashodno direktno finansiranje timova porodične medicine, a ne putem domova zdravlja.

Na 14. sjednici usvojena su dva zaključka kojim se Općinski načelnik zadužuje da u saradnji sa načelnicima drugih općina i predstavnicima u Parlamentu FBiH postave poslaničko pitanje, pokrenu Poslaničku inicijativu ili po potrebi i zajednički sudski spor protiv Vlade Federacije radi nelegalnog obustavljanja pripadajućih sredstava od povrata PDV-a i da od Vlade Federacije traži kriterije po kojima se vrši raspodjela sredstava od GSM licenci a po potrebi u saradnji sa našim predstavnicima u Predstavničkom parlametu FBiH pokrenu inicijativu za jasno definisanje kriterija za raspodjelu tih sredstava.

Shodno čl.15 Poslovnika o radu Općinskog vijeća Tešanj realizovano je pet edukacija vijećnika u principu 30 minuta prije početka sjednice Vijeća na teme: Poslovnik o radu Općinskog vijeća Tešanj, Statut općine

ZA PERIOD 01. 01. – 31. 12. 2013. GODINE



Tešanj, Zakon o principima lokalne samouprave, Komuniciranje sa javnošću i Prostorno-planska dokumentacija. Prisustvo vijećnika bilo je zadovoljavajuće.

Na dnevnom redu sjednica Vijeća bilo je 90 tačaka, od čega su 34 ili 38 % bile predviđene Programom rada Vijeća za 2013. godinu. Ostalih 56 tačaka ili 62 % bile su tekuće aktivnosti nastale kao posljedica zahtjeva građana, poslovnog svijeta i drugih subjekata pred administracijom. U prosjeku je bilo po osam tačaka dnevnog reda po jednoj sjednici. Da bi se stekla realna slika navedenih podataka, odnosno rada Vijeća u 2013. godine potrebno je navedene podatke uporediti sa planskim aktivnostima koje su definirane Programom rada Vijeća za 2013. godinu, što je iz narednog pregleda jasno vidljivo:

Vrsta	Odluke	Rješenja	Informacije i izvještaji	Ukupno	Vjećnička pitanja	Inicijativa	Zaključci ukupno
Planirano	6	0	25	34	-	-	-
Realizovano	39	18	33	90	123	25	105
Razlika	+33	+18	+5	+56 (164%)			

Aktivnosti Općinskog vijeća zasnivale su se na zadacima utvrđenim Programom rada Vijeća za 2013. godinu. U pripremi sjednica Općinskog vijeća redovno su održavani sastanci Kolegija Vijeća. Ovakav način rada je doprinio da se na kvalitetniji način planiraju teme za svaku od sjednica Vijeća, obavi rasprava o pojedinim pitanjima i usaglasi dnevni red sjednice čije se održavanje planiralo. Iako obiman materijal, Kolegij je redovno iskazivao razumijevanje za sve predložene tačke dnevnog reda, te se skoro sva planirana tematika za sjednice usvajala jednoglasno. Ovakav ambijent u radu Kolegija doprinio je konstruktivnoj atmosferi i u radu Vijeća.

Materijali za sjednice Vijeća su uglavnom dostavljani najmanje sedam dana prije održavanja sjednice, čime je redovno poštovana procedura predviđena Poslovnikom o radu Vijeća. Ovdje je važno napomenuti da se cjelokupan radni materijal planiran za sjednice Vijeća, odmah poslije sjednice Kolegija objavljuje na zvaničnoj web strani Općine. Ovim činom sav materijal činimo dostupnim svim građanima sa ciljem da do početka sjednice preko vijećnika mogu reagovati svojim primjedbama na svaki od predloženih dokumenata.

Vijećnici su u svom radu postavili 123 vjećnička pitanja na koja je odgovoreno, uglavnom do naredne sjednice Vijeća i podnijeli 25 vjećničkih inicijativa (usvojene 4 inicijative, 3 nisu usvojene, od 18 inicijativa predlagači odustali).



Sjednicama Vijeća su u svojstvu gosta redovno pozivani: poslanici u federalnom i kantonalnom parlamentu s područja općine, OSCE, kao i predstavnici javnih preduzeća i ustanova, i drugi, kada je razmatrana određena problematika vezana za navedene institucije.

Rad svih sjednica Vijeća bio je javan, tako da su sjednicama redovno prisustvovali i mediji (TV "Smart" Tešanj i novinar Radio Tešnja gosp. Halid Fejzić). Sjednice su emitovane u jasno definisanom terminu, prva subota nakon održavanja sjednice sa početkom u 20,00 sati u programu TV "Smart" Tešanj i najkasnije u roku od tri dana na NTV "Amna" Tešanj. Građanima općine bilo je omogućeno televizijsko praćenje sjednica Vijeća, te kraće reportaže putem TV "Smart" Tešanj (Tešanjaska hronika) i lokalnih radio stanica. Također, rad Vijeća redovno je predstavljan na web stranici Općine Tešanj i Tešanjskom biltenu, te na druge načine (facebook stranici i android aplikaciji). Konačni akti redovno su objavljeni u "Službenom glasniku Općine Tešanj", koji su građanima dostupni i na web strani.



KAPITALNI PROJEKTI U 2014. GODINI

Na posljednjoj sjednici Općinskog vijeća usvojena je Lista kapitalnih projekata za 2014. godinu. Temeljni princip koji je primjenjen odnosi se na raspored sredstava za projekte po mjesnim sredinama proporcionalno broju stanovnika u svakoj sredini uz uvažavanje prioriteta i stavova organa mjesnih zajednica. Prvi i najvažniji predloženi prioriteti koji su dobili podršku i predstavljaju strateško opredjeljenje Općine Tešanj su projekti kanalizacije i vodovoda.

Planirano ulaganje u vodosnabdijevanje ove godine iznosi više od 800.000 KM na već započetim projektima vodovoda. Konstantno se radi na pripremi dokumentacije oko projekta Watsan (odvodnja i prečišćavanje otpadnih voda na području općine Tešanj) kako bi se moglo početi sa realizacijom i radovima na ovom najznačajnijem projektu.

Planiran je i veliki broj projekata na rekonstrukciji i asfaltiranju puteva u svim mjesnim sredinama kako bi se uravnotežio razvoj sredina i uslovi za život u svim naseljenim mjestima na području općine. Za sanaciju putne infrastrukture na području općine Tešanj (iz općinskog budžeta i drugih već obezbjeđenih izvora finansiranja) planirano je oko 1.000.000 KM, u šta su uključeni i radovi u tri industrijske zone (Glinište, Ciglana i Bukva).



BESPLATNO PREUZIMANJE ELEKTRIČNOG I ELEKTRONSKOG OTPADA

U Općini Tešanj održan je sastanak s predstavnici "ZEOS ekosistem" - Društva za postupanje sa otpadnom električnom i elektronskom opremom d.o.o. Sarajevo, Elmom Babić-Džihanić i Alemom Kupusovićem, te predstavnicima firme "C.I.B.O.S." - Regionalni centar Zenica na temu mogućnosti sistemskog prikupljanja, preuzimanja, skladištenja i reciklaže EE-otpada s područja cijele općine Tešanj.

Na sastanku su u ime Općine Tešanj sudjelovali predstavnik rukovodstva kvalitete i okoliša Ferid Mustafić, predstavnici Komunalnog preduzeća "RAD" Tešanj Himzo Bošnjak i Indir Kapić, Kanita Gredelj ispred Službe za finansije, privredu, komunalne i inspeksijske poslove, te Hasan Plančić, koordinator za rad sa mjesnim zajednicama. Sastanak je imao radni karakter, a cilj je bio da se učesnici međusobno informišu o mogućnostima za sistemsko rješavanje zbrinjavanja EE-otpada s područja naše općine, težišno iz domaćinstava, koji do sada nije adekvatno prikupljan i zbrinjavan, a predstavlja potencijalnu opasnost za ljude i okoliš.



IZGRADNJA GARAŽE KOD STAMBENOG NASELJA SIMETRALE U TEŠNJU

Općinsko vijeće Tešanj je na 16. sjednici donijelo Odluku o usvajanju i pokretanju aktivnosti na izgradnji javne garaže na lokalitetu benzinske pumpe INA kod stambenog naselja Simetrale u Tešnju. Općinski načelnik i nadležne službe su ovlaštene da poduzmu sve radnje i aktivnosti u cilju realizacije poslova potrebnih za izgradnju objekta u skladu sa Idejnim projektom. Koncept "Javne garaže Tešanj" uradila je firma "Aksa" iz Zenice.



POTPISAN UGOVOR ZA DEMINIRANJE

U četvrtak, 20. marta u Sarajevu je potpisan Ugovor o donaciji za aktivnosti deminiranja u općinama Tešanj i Doboj u vrijednosti 757.247 eura (1.481.046 KM). Ugovor su potpisali Ambasador Japana u Bosni i Hercegovini, Hideo Yamazaki sa Načelnikom općine Tešanj Suadom Huskićem i zamjenikom Gradonačelnika Doboja Draganom Vasilčićem.



Općina Tešanj dobit će grant u vrijednosti 378.946 eura za čišćenje 247.832 m² kontaminiranih površina na sedam lokaliteta.

Ovo je najveći projekat deminiranja na području općine Tešanj. Zahvaljujući ovom projektu život ljudi na ovom prostoru će biti sigurniji, kazao je Općinski načelnik.

Današnjem potpisivanju Ugovora su prisustvovali i zamjenica Ministra vanjske trgovine i ekonomskih odnosa BiH, Ermina Salkičević - Dizdarević i Direktor BH Mac-a Dušan Gavran.

Podrška aktivnostima deminiranja jedan je od najvažnijih prioriteta kada je u pitanja politika pomoći Japana u BiH, koja se nažalost još uvijek svrstava u red zemalja koje su najzgađenije minama. Od 1996. godine do danas, Vlada Japana osigurala je sredstva u iznosu od više od šest miliona eura za aktivnosti deminiranja u BiH. Podrška Japana aktivnostima čišćenja od mina u BiH posebno je važna ako se ima u vidu da su planovi da cijela zemlja bude očišćena do 2019. godine stavljeni pod znak pitanja upravo zbog nedostatka donatorskih sredstava.

TEŠANJSKO PROLJEĆE



Tradicionalnim polaganjem cvijeća na mezar *Muse Ćazima Ćatića* u Tešnju i recitalom učenika literarne sekcije Gimnazija *Musa Ćazim Ćatić* počela je i ovogodišnja manifestacija *Tešanjско proljeće*. Cvijeće su položili učenici Gimnazije Tešanj.

Polaganju cvijeća su prisustvovali predsjedavajući Općinskog vijeća, vijećnici, Općinski načelnik sa saradnicima, direktorica, profesori i učenici Gimnazije *Musa Ćazim Ćatić* i građani Tešnja.

Nakon polaganja cvijeća, u Velikoj sali Centra za kulturu i obrazovanje održana je priredba *Iz ateljea naše mladosti*, koju su pripremili učenici Gimnazije.

Manifestacija je zvanično otvorena Izložbom slika Mehmeda Klepe u Maloj sali Centra za kulturu i obrazovanje u 18,00 sati.

Tešanjско proljeće nam dovodi ljude sa različitih prostora, donosi nam mnoge aktivnosti, te stoga pozivam sve sugrađane da proprate ovu manifestaciju i na taj način uveličaju pripremljene aktivnosti, istakao je Općinski načelnik Suad Huskić i proglasio manifestaciju *Tešanjско proljeće* otvorenom.

Tešanjско proljeće traje do 15. maja 2014. godine.

Tešanjско proljeće 2014.

Polaganje cvijeća na Ćatićevo mezar
srijeda, 12. mart, 16 sati

U otvoreno mezar mladosti, priredba Gimnazije
srijeda, 12. mart, 16,30 sati

OTVORANJE MANIFESTACIJE
izložba slika Mehmeda Klepe
srijeda, 12. mart, 18 sati

Sahovski turnir
srijeda, 12. mart, 19 sati
OS "Hase Hodža"

Promocija knjige Safeta Grbića Osvjet / akusator
utorak, 11. mart, 18,30

Trileks u povelu 20 godina od deblakade Tešnja
srijeda, 12. mart, 17 sati

Amfiteatar srednjih škola
srijeda, 12. mart

Dvoje filmske predstave 3D
srijeda, 12. mart

Trileks Školjke moderne književne pozicije
petak, 13. mart, 19 sati

10. Međunarodni turnir u galibolu Tešanj 2014
srijeda, 12. mart, 9,30

OS "Reisid Rado"

Sajam srednjih škola i fakulteta
petak, 13. mart, 8 do 11,30 i 13 do 16,30 sati

Športika otvorena u srednje škole

Projekcija filma (izvori izlazi)
srijeda, 12. mart, 9,30 sati

Dvoje filmske predstave 3D
srijeda, 12. mart, 12 sati

OS "1. mart" Tešanj

Promocija knjige Tešanjско proljeće
petak, 14. april, 18 sati

Promocija knjige Ismet Džedica
Dokumentaristički posmatranje na tešanjско-dobojški prostor / Republika BiH 1992-2006. godine
petak, 11. april, 18,30 sati

Izložba umjetničkih slika Srećko Bivaković
četvrtak, 17. april, 19 sati

Dvoje filmske projekcije 3D
četvrtak, 17. april

Promocija monografije 3. korpusa ANH
petak, 18. april, 18 sati

Predstava na djelu: Pobjeđujući
srijeda, 19. april, 18 sati

Humanitarni koncert Ojca zrcila
srijeda, 20. april, 18 sati

Dan otvorenih škola općine Tešanj
srijeda, 23. april, 18 sati

Promocija knjige Kamala Ljepaković
Očuvati tešanjско proljeće
petak, 25. april, 18,30 sati

Koncert Osvjetovskog ansambla Tešanj
srijeda, 25. april, 19 sati

Izložba Periodika u Bosni i Hercegovini
za vrijeme otvorenosti uprave
srijeda, 10. maj, 17 sati

Emigracija konak

Dvoje nagrada za najbolje
literarne radove na temu humanizma
srijeda, 14. maj, 18 sati

Emigracija konak

Dvoje Rosemary Henzies
srijeda, 14. maj, 18 sati

Otvorenje 10. sajma priredbe Rado 2014 Tešanj
četvrtak, 15. maj, 11 sati

Posljednji centar Slika

UGOVORI ZA STIPENDIRANJE STUDENATA

U subotu, 22. marta, u Velikoj sali Centra za kulturu i obrazovanje u Tešnju potpisani su ugovori za stipendiranje studenata u studijskoj 2013-2014. godini. Ugovore su potpisali Općinski načelnik Suad Huskić i



studenti sa područja općine Tešanj koji ispunjavaju uslove Konkursa.

Ove godine, potrebne kriterije za dobijanje općinske stipendije ispunilo je 315 studenata.

Prigodnim govorom, studentima su se obratili predsjedavajući Općinskog vijeća Fuad Šišić i Općinski načelnik Suad Huskić, te istakli da Općina Tešanj godišnje za stipendiranje studenata izdvaja preko 300 hiljada maraka, što predstavlja najveći projekat općinske administracije u Tešnju.

NAJBOLJE DRUŠTVENO-KORISNE IDEJE

Nakon što je Komisija izvršila bodovanje pristiglih prijava u okviru Javnog poziva za najbolju društveno-korisnu ideju za 2013. godinu, potpisani su ugovori i dodjeljene zahvalnice za pet najboljih ideja.



Ugovore su potpisali Općinski načelnik Suad Huskić i dobitnici nagrada za najbolju društveno-korisnu ideju Mirnes Delić, Armin Maglić, Edin Hodžić, Adnan Bajraktarević i Armin Kotorić.

Cilj nam je da se mladi ljudi što više posvete kreiranju kvalitetnijeg života na ovom prostoru. Nadam se da ćete nam pomoći da vaše ideje uspješno i realiziramo, kazao je Općinski načelnik Suad Huskić.

Potpisivanju ugovora su prisustvovali i članovi Komisije - Nerminka Handžić i Adnan Lihčić, te Službenik za mlade Mirnes Dedukić.

OPĆINA TEŠANJ DOBITNIK BEACON PLUS CERTIFIKATA

Za najbolje postignute rezultate u oblasti *Stvaranja povoljnog poslovnog ambijenta u jedinicama lokalne samouprave u cilju privlačenja investicija*, Općina Tešanj je dobitnik Beacon plus sertifikata.

Ceremoniji dodjele, koja je održana u Brčkom, prisustvovali su Općinski načelnik Suad Huskić, pomoćnik Općinskog načelnika Hamzaliya Hojkurić i predstavnik Agencije za razvoj TRA Muhamed Džihović.

Drago mi je da smo došli do stepena kada su rezultati našeg dugogodišnjeg rada itekako vidljivi. Poslovni ambijent se ne dešava slučajno, nego je to plod ustrajnog rada svih, kazao je Općinski načelnik Suad Huskić.

Osim Tešnja, sertifikat su dobile i općine Bijeljina, Srebrenik, Stari Grad, Žepče, Kotor Varoš, Nevesinje i Teslić.

Program Beacon scheme u Bosni i Hercegovini započeo je u augustu 2005. godine kada su ga službeno predstavili Misija OSCE-a u BiH i Vijeće Evrope, s ciljem prepoznavanja i promovisanja najboljih primjera iz prakse na općinskom nivou vlasti. Od 2005. godine ovaj program je zaživio kao sastavni dio procesa reforme lokalne uprave, a sticanje Beacon statusa prepoznato je i prihvaćeno kao prestižna nagrada među općinama koje konkurišu, općinskim službenicima, građanima kao i svim ostalim zainteresiranim stranama.



PRIZNANJA ŠTABA CIVILNE ZAŠTITE TEŠANJ



U povodu 1. marta - Svjetskog dana civilne zaštite i Dana civilne zaštite Federacije, danas je održana Svečana dodjela priznanja za 2013. godinu. U svom obraćanju komandant Štaba Suad Huskić istakao je važnost civilne zaštite za područje općine Tešanj, te se osvrnuo na aktivnosti koje je civilna zaštita uradila u prošloj godini. Prisutnim su se obratili i načelnik Štaba Mensur Saletović, kao i direktor Kantonalne uprave CZ Sead Džanović.

Za doprinos u izvršavanju određenih zadataka od značaja za zaštitu i spašavanje ljudi i materijalnih dobara na području općine Tešanj u 2013. godini, Općinski štab civilne zaštite Tešanj, dodjelio je Zahvalnice civilne zaštite, i to:

1. Ambasada Japana u BiH
2. Ilma d.o.o. Jelah
3. Sportsko ribolovno društvo Blinker Kalošević
4. Sportsko ribolovno društvo Jelah
5. Norbert Waqmen, Weßling, SR Njemačka
6. Izudin Handžić, Tešanj
7. Osman Alić, Tešanj
8. Izudin Alić, Tešanj
9. Sadmir Jazvin, Tešanj
10. Ahmet Čaplja, Tešanj



STROGO ZABRANJENO NEPROPISNO PALJENJE VATRE NA OTVORENOM PROSTORU

Analizom požara otvorenog prostora u 2013. godini na području općine Tešanj, usljed obavljanja proljetnih radova čišćenja poljoprivrednih, šumskih i drugih površina, odnosno prilikom loženja vatre i spaljivanja korova, suhe trave, lišća, poljoprivrednih i drugih otpada, dolazilo je do velikog broja požara niskog rastinja, a koje su izazivali pojedinci svojim nemarom ili pak svjesno, usljed čega je dolazilo do neželjenih pojava nekontrolisanog širenja požara na susjedna područja i objekte, čime su ugrožavani ljudi, prirodni resursi i materijalna dobra.

S obzirom da je sezona proljetnih radova počela, podsjećamo građane da je **STROGO ZABRANJENO** paljenje vatre na otvorenom prostoru, na mjestima koja se nalaze u neposrednoj blizini šuma, benzinskih stanica, plinskih stanica i slično, kao i na nepristupačnim mjestima na kojima nije moguć pristup vatrogasnih vozila.

Prilikom loženja vatre, građani se moraju u potpunosti pridržavati i poštivati propisane mjere opreza kao što su:

1. Prilikom čišćenja parcela, prikupljeni otpad spaljivati uz maksimalne mjere opreza i lično prisustvo dok otpad ne izgori.
2. Ne ostavljati upaljenu vatru ili žar nekontrolisano na njivi.
3. Prije polaska sa njive ili kampovanja, politi vatru ili žar vodom, ili zatrpati zemljom.
4. Posebno voditi računa da se paljenje otpada ne vrši u blizini šuma, privrednih objekata, benzinskih pumpi, plinara, a naročito u toku pojave vjetra.
5. Paljenje otpada vršiti u ranim jutarnjim, a ne večernjim satima.

Ukoliko, i pored svih preduzetih mjera dođe do požara koji više nije moguće kontrolisati potrebno je obavijestiti:

1. Dežurnog u Profesionalnoj vatrogasnoj jedinici Tešanj na broj telefona **123 i 032/650-720**;
1. Dežurnog u Policijskoj stanici Tešanj na broj telefona **122 i 032/ 651-606**;
1. Operativni centar civilne zaštite na broj telefona **121 i 032/650-439**.

Podsjećamo da su odredbama člana 169. Zakona o zaštiti od požara i vatrogastvu ("Sl. novine FBiH" broj: 64/09) predviđene novčane kazne za pojedince u iznosu od 100,00 do 1.500,00 KM, koji svojim postupcima omogućuju nastanak požara, kao što je na nepropisan način loženje vatre na otvorenom, u šumama, na šumskom zemljištu, ili na drugom zemljištu.

U skladu sa navedenim zakonskim odredbama, kod pojave ovakvih situacija bićemo prisiljeni da sarađnji sa Policijskom stanicom Tešanj, identifikujemo lica i preduzmemo odgovarajuć zakonske mjere u cilju suzbijanja nastanka i širenja požara.

Vaša mala nepažnja može izazvati velike štete!

POMOĆNIK OPĆINSKOG NAČELNIKA
Mensur Saletović, profesor





OPĆINA
TEŠANJ

IDEJA

BIZNIS PLAN

PODRŠKA OPĆINE

VLASTITI BIZNIS

TVOJA IDEJA!

TVOJ BIZNIS!

PRIJAVI SE!

JAVNI POZIV ZA NAJBOLJE POSLOVNE IDEJE ZA MLADE

JAVNI POZIV JE OTVOREN OD 01. APRILA 2014. GODINE.
PRIJEM APLIKACIJA ĆE SE VRŠITI OD 19. MAJA DO 30. JUNA 2014. GODINE.

DETALJNE INFORMACIJE NA: TELEFON 032/650-022
MIRNES.DEDUKIC@OPCINA-TESANJ.BA
WWW.OPCINA-TESANJ.BA